



6. 2.

H.M. 67.





MARBH-RANN.

LE

R. MAC-LEOID.

DUNEDIN 1867.



LAURISTON CASTLE
LIBRARY DESSION

M A R B H - R A N N,

LE

R. MAC-LEOD.

Air dha clainntinn mu bhas a pheathar.

AIR FOXN.

“A lub ur a chuil chlannaich
‘S truagh ar sgaradh o cheile.”

Làimheag.

Bheir mi oran a bhroin dhaibh
‘S a mhuinntir og deanaibh eiseachd,
‘S deanaibh urnuigh ‘us faire
Mu m faigh ‘n ur eadal an t-eug sibh.

Cheud diardaoin de ‘n a bhliadhna
Ochd-cend-deug ‘us trì fichead
Agus seachd am an riaghailt,
Mar chuireadh sìos anns an litir,
A ghiulain naidheachd na deuchainn,
A leag cho ìosal ar misneachd,
‘S mur b’e neart na tha ringhladh,
Cha seasadh ciall ris no gliocas.
Bheir mi, &c.

Sibhse tha colach air cradh
‘S a thuigeas cas ‘us cruaidh-eigin
‘Bhi spionadh peathar le bas uaimn,
A cheud bhearn anns an teaghlach,
‘S ged is goirt a bhi caradh
Com a bhlaiths air an deile
Eisdibh guth an ‘Ti dh’ aithn e
‘S iarraibh gras gu bhi geileadh.
Bheir mi, &c.

'S e mo ghuidh' agus m' iarraidh
 Gu mol sibh Dia anns an amhuinn
 'S nach dean na chaill sibh ur dalladh
 A chum 's nach faic sibh na dh' fhagadh;
 Ach gu-n gabh sibh mar mhacaibh
 Ris a smachdachadh chairdeal
 A thionndaidheas fathasd gu maith dhuibh
 Ged nach faic sibh an drasd' e.
 Bheir mi, &c.

Ged tha bhuile so craiteach,
 Dha do pharantan aosda,
 'S do gach piuthar 'us brathair,
 'S do cheile dh' fhag thu na aonar,
 Ma dh' fhuasglas spiorad nan gras leis,
 Cuid d' ar daimb' ris an t-saoghal,
 Dearbhaidh fiosrachadh Dha-idh
 Gar mor am fabhar d' ar taobh e.
 Bheir mi, &c.

Suidhibh sìos fo 'n a bhuille
 'S na cluinnte tuilleadh 'ur crannan,
 An agbaidh riagladh an Athar
 A lion le' mhaithreas ur fardach
 Tha cuig bliadhu' 'us da fhichead
 O nach d' fhiosraich am bas sibh,
 'S ma rinn e Mairi naibh iarraidh
 Nach d' fhag e sìanar a lathair.
 Bheir mi, &c.

Ma dh' iarr an Tighearn' uaibh iobairt
 Mar dh' iarr e Isaac air Abram,
 'S ann gu feuchainn ur dilseachd
 An ann o'r eridh' thug sibh dha i,
 'S ged a dh' iarradh e tuilleadh
 O co 'b urrainn sin aicheadh,
 'S gun d, thug esan an T Aon-mhac
 A chum an t-saoghail, gu tearnadh.
 Bheir mi, &c.

Cha-n 'eil mise le m' oran
 A diteadh broin agus iumdrain
 O nach urrainn an fheoil,
 'N uair theid a leon gun bhi cinirte,
 Ach 's e dh' iarrain ur scoladh
 Air falbh o'n Chomhar tha 'n Trumpan.
 Adh' ionnsuidh aiseirigh ghlormhoir
 Far faic sibh beo i gun chiurram.
 Bheir mi, &c.



Bidh mo shuil ris na b-ardaibh
 Aig cathair grais air mo ghluinean,
 Gum faiceadh athair 'us mathair
 Gum d' raimig pàirt ac' an uine,
 A shuidhich Dia mar lagh araidh,
 'S troimh bhlibh Dha-idh thug dhuinn e,
 Gum bi' na ruigeas an la sin
 A falbh le bas gu toirt cumtais.
 Bheir mi, &c.

'S o'n tha 'n uine cho faisg oirnn,
 A reir facl na firinn,
 'S nach 'eil dìon ann ri fhaicinn
 Ach fo fhasgadh na h-iobairt,
 O ! nach duin sibh a steach ris
 Oir 's faidh, Sagart, 'us Rìgh E.
 'S as a bhas bheir e 'n gath dhuibh,
 'S ni 'n uaigh 'na leabaidh na sìthe.
 Bheir mi, &c.

'S sibhse tha 'n laithean ur n-oige
 Na deanaibh bosd as ur briaghachd
 'S na deanadh beartas no stòras,
 Ur cridhe feuchhor a lìonadh :
 O 'n tha tìm leibh a seoladh
 Air falbh gu seomar na dìochuimhne,
 Far an luadh luchd na comhstri,
 Na 'n sìneadh comhladh an sìochainnt.
 Bheir mi, &c.

Ged tha ur clann air an sgapadh
 Eadar Sasunn 's Duncidin,
 Agus te fo na leachdan,
 A bha na taic anns gach feum dhuibh :
 Bha caoinmheas Dhe 's na chaidh seachad,
 Cho mòr ri fhaicinn 's gach ceum dhuibh ;
 'S biodh sin 'n a carlas 's na neart dhuibh,
 'S an am ri teachd mar an ceudna.
 Bheir mi, &c.

Teichibh luath' le ur n-anam
 'S feuch nach fan sibh 's a chomhnard,
 'S gabhaibh seoladh o 'n aingeal,
 Tha 'g ur tarruing a Sodom,
 Tha fear torachd na fala,
 Ga ur caithris an comhuidh,
 'S e fuil an uain air ur doras,
 A dh' fhagas barant ur dochas,
 Bheir mi, &c.



